

atra, eine gefälschte flüssige Wasserheit in
der Leber/Milch/kleinen Nieradern/Venis
meseraicis genandt / Magen / grossen
BlutAdern/hinn vnnnd andern Orten des
Leibes verhalten/ Item das Geblüt selber/
wenn es faulet vnd eiterich wird / diese alle
mit einander seyn gewisse Ursachen dieser
Kranckheit. Paracelsus gibt es allein dem
Sali resoluto schuldt/vnnnd ist war/wenn
Sal microcosmi corrupirt wird / so
geschicht eine Fäulung vnnnd dissolution,
vñ so dieses Balsamische Saltz des Men-
schen durch die Fäulung von seinem Sul-
phure vnd Mercurio gescheyden wird / so
erhebt sich seine grosse Scherffe / zerfrisst
das Gedärm also/das es blutig & per cō-
sequens eiterich wird / vnnnd damit man
solches klärlicher verstehet / so ist zu merckē/
das secundum Hermeticos drey prin-
cipia seyn aller Dinge / als Sal, Sulphur
& Mercurius, auß diesen dreyen ist der
Mensch auch gemacht: Wenn nun dieser
eins verderbet oder von seiner Natur vnnnd
operation zerstöret wird / da erregt sich
auch also bald eine Kranckheit / denn alle
Kranckheiten kommen auß diesen dreyen
her/